

全上古三代秦漢三國六朝文

全宋文卷五十七

烏程嚴可均校輯

朱昭之

昭之吳郡錢塘人

子謙之齊書有傳

與顧歡書難夷夏論

見足下高談夷夏辨商二教條勤經旨冥然玄會妙唱善同非虛言也昔應吉甫齊孔老於前吾賢又均李釋於後萬世之殊塗同歸於一朝歷代之疑爭怡然於今日賞深悟遠調慰者多益世之談莫過於此至於各言所好便復肝膽楚越不知苦甘之方雖二而成體之性必一乃互相攻擊異端遂起往反紛類斯害不少惜矣初若登天光被俗表末如入淵明夷輝淪夫導師失路則迷塗者眾故忘其淺昧遽相牽掣合先布其懷未陳所恨想從善如流者不惜乖於一往耳山川悠遠良話未期聊寄於斯已代暫對情

類當作類

勤當作勤

旗一接所釋不淺朱昭之白

夫聖道虛寂故能圓應無方。言其無方之應故應無不適。所言自聖而檢心本無名於萬會。物自會而爲稱則名號言爲之彰。是言智無不周者則謂之爲正覺。通無不順者則謂之爲聖人。開物成務無不達也。則謂之爲道。然則聖不過覺覺不出道。君可知也。何須遠求哉。但華夷殊俗情好不同。聖動常因。故設教或異。然曲禮淨戒數同三百。威儀容止又等三千。所可爲異。政在佛道之名。形服之間耳。達者尙復言形骸爲逆旅。袞冕豈足論哉。所可爲嫌。祇在設教之始。華夷異用。當今之俗而更兼治。遷流變革一條宜辨耳。今當之言。聖人之訓。動必因順。東國貴華則爲袞冕之服。禮樂之容。屈伸俯仰之節。衣冠簪佩之飾。言弘其道。蓋引而近之也。夷俗重素。故教言極質。髡落微容。衣裳弗裁。閉情開照。期神曠劫。言長其心。推而遠之也。道法則採餌芝英。餐霞服丹。呼吸太一。吐故

之言二字

五劍

案弘明
集作眾
生黷所
先習

納新大則靈飛羽化小則輕強無疾已存其身卽而効之也三者
皆應之一用非吾所謂至也夫道之極者非華非素不卽不殊無
近無遠誰舍誰居不偏不黨勿毀勿舉同通寂冥假字曰無妙境
如此何所異哉但自皇犧已來各弘其方師師相傳不相關涉良
由彼此兩足無復我外之求故自漢代已來清風轉澆仁義漸廢
大道之科莫傳五經之學彌寡大義既乖微言又絕眾妙之門莫
遊中庸之儀弗覩禮術既壞雅樂又崩風俗寢頓君臣無章正教
陵遲人倫失序於是聖道彌綸天運遠被玄化東流已慈係世仁
眾生民黷所先習欣所新聞革面從和精義復興故微言之室在
在並建玄詠之賓處處而有此可已事見非真布之空談將無物
不可已終否故受之已同人故邪意者夫聖人之撫百姓亦猶慈
母之育嬰兒始食則餌已甘肥甘肥既厭復改已脂蜜脂蜜既厭
則五體休和內外平豫爲益至矣不其然乎理旣然矣而橫厝非

貶妄相分別。是未悟環中不可與議。二賢推盪往反。解材之勢。縱復得解。非順理之作。順理析之。豈待推盪。足下發源開端。明孔老是佛。結章就議。則與奪相懸。何措紳擎蹠爲諸華之容。稽首佛足。則有狐蹲之貶。端委罄抗爲侯甸之恭。右膝著地。增狗踞之辱。請問若孔是正覺。釋爲邪見。今日之談。吾不容聞。許爲正真。何理鄙誦。旣虧畏聖之箴。又忘無苟之禮。取之吾心。所恨一也。又云。全形守祀。繼善之教。毀貌易性。絕惡之學。是商臣之子。有繼善之功。覆障毀落。有絕惡之志。推尋名實。爲恨二也。又云。下棄妻孥。上廢宗祀。夫鬼神之理。冥漠難明。故子路有問。宣尼弗釋。當由死生道殊。神緣難測。豈爲聖不能言。良恐賢不能得。三達之鑒。照之有在。足下已許神化東流。而復已喪祭相乘。與奪無定。爲恨三也。又云。切法可已。進謙弱。賒法可已。退夸強。三復此談。顛倒不類。夫謙弱易同。可已賒抑而進。夸強難化。應已苦切。乃退隱心檢事。不其然乎。

頤
頤
頤
頤

米糠在目。則東西易位。偏著分心。則辭義舛惑。所言乖當。為恨四也。又云。抑則明者獨進。引則昧者競前。夫道言真實。故同高唱。覆載萬物。養育眾形。而云明者獨進。似若自私。佛音一震。則四等兼羅。三乘同順。天龍俱靡。而云昧者競前。亦又近誣探頤之談。而妄生瘡疣。游辭放發。為恨五也。又云。佛是破惡之方。道是興善之術。破惡之方。吾無閒然。夫惡止善行。乃法教所召興也。但未知興善之術。術將誰然。若善者已善。奚用興善。善者非善。又非興善。則興善之名。義無所託。今道者善也。復召興善。取之名義。太為繼富。不召振惡。為教褊矣。大道兼弘。而欲局之。為恨六也。又云。殘忍剛愎。則師佛為長。慈柔虛受。則服道為至。夫摧伏勇猛。迴靡殘暴。實是牟尼之巨勳。不乖於慧旨。但道力剛明。化功彌遠。成性存存。恩無不被。梟鳩革心。威無不制。而云唯得虛受。太為淺略。將無意淪偏著。不悟狹劣。傷道邪。披尋第目。則先誠臆說。建言肆論。則不覺情

遷分石難持為恨七也。又云八象西戎諸典，廣略兼陳，金剛般若文不踰千，四句所弘，道周萬法，麤妙兩施，繁約共有，典法細誠，科禮等碎，精粗橫生，言乖乎實，為恨八也。又云曰國而觀，則夷虐夏溫，請問炮烙之苦，豈康竺之刑，流血之悲，詎齊晉之子，劔剔苦害，非左衽之心，秋露含垢，匪海濱之士，推檢性情，華夷一揆，虛設溫嚴為恨九也。又云博奕賢於慢遊，講誦勝於戲謔，尋夫風流所自得傳，經籍所已不廢，良由講誦已得通，諮求已成悟，故曰學而不講，是吾憂也。而方之戲謔，太為慢德，請問善誘之筌，其將安寄。初未得意而欲忘言，為恨十也。有此十恨，不能自釋，想望君子，更為仲之，謝生亦有差參，足下攻之已密，且專所請，不復代匠。

弘明集七

朱廣之

廣之字處深，吳郡錢塘人，為臨川王常侍。

諮顧歡夷夏論

并書

朱廣之叩頭見與謝常侍往復夷夏之論辭章同歸之義可謂簡見通微清練之談也至於明尚端冕之飾屏破翦落之素申已擊跪之恭辱已孤躄之肅極東華人杜絕外法舟車之喻雖美平恕之情未篤致會之源既坦筌寄之塗方壅然則三乘之悟睿望茲士六度之津於今長訣披經翫理悵快良深謝生貶沒仙道褒明佛教曰羽化之術爲浮濫之說殘形之咀爲履真之文徒知己指之爲指不知彼指之無殊豈所曰通方得意善同之謂乎僕夙漸法化晚味道風常曰崇空貴無宗趣一也蹄細雙張義無偏取各隨曉入唯心所安耳何必龍袞可襲而瓔珞難乘者哉自貧來多務研敦沈潛緘卷巾牘奄逾十載幼習前聞零落頓盡蘊志空年開瞻靡階每獨慷慨遙夜輒啟旦忘寐而清心遠信纏若彌篤若夫信不治理則輕汎無主轉憶之寶因斯而起是曰罄率狂管書述鄙心願重爲啟誨敷導厥疑廣之叩頭

纏下若
字當作
若

書作請

論云、擊跪罄折、疾旬之恭也、狐蹲狗踞、荒流之肅也、疑曰、夫邦殊用隔、久自難均、至於各得所安、由來莫辨、疾旬之容、所言當矣、狐狗之目、將不獨傷、

論云、若謂其致既均、其法可換者、而車可涉川、舟可行陸乎、必不可也、疑曰、夫法者所曰法情、情非法也、法既無定、由情不一、不一之情、所向殊塗、剛柔並馳、華戎必同、是曰長川浩漫、無當於此矣、平原遠陸、豈取於彼邪、舟車兩乘、何用不可、

論云、既不全同、又不全異、下乘妻孥、上廢宗祀、疑曰、若夫廢祀於上、不能絕棄於下、此自擬異入同、非同者之過也、豈可見犂牛不登宗廟之用、而豕彘於牢餼之具邪、

論云、嗜慾之物、皆曰禮伸、孝敬之典、獨曰法屈、悖德犯順、曾莫之覺、疑曰、若悖德犯順、無施而可、慈敬惠和、觸地而通、是曰損膳行道、非微凶之宅、服冕素餐、非養正之方、屈伸之望、可相絕於此矣、

論云、理之可貴者道也、事之可賤者俗也、今捨華效夷、義將安取、若曰其道邪、道因符合矣、若曰其俗邪、俗則天乖矣、疑曰、至道虛通、故不爵而尊、俗無不滯、故不黜而賤、賤者不能無累、尊者自然天足、天足之境、既符、俗累之域亦等、道符累等、又誰美誰惡、故俱是聖化、唯照所惑、惑盡明生、則彼我自忘、何煩遲遲捨效之際、耿介於華夷之間乎、

論云、無生之教、賒無死之化、切切法可曰進、謙弱、賒法可曰退、夸強、疑曰、無生即無死、無死即無生、名反實合、容得賒切之別邪、若曰、跡有差降、故優劣相懸者、則宜曰切抑強、曰賒引弱、故孔子曰、求也退、故進之由也、兼人、故退之、致教之方、不其然乎、

論云、佛教文而博、道教質而精、精非粗人所信、博非精人所能疑、曰、夫博聞強識、必緣照遠、廣敦修善行、必因理入微、照明則理無不精、理精則明無不盡、然則精博同功、相爲利用、博猶精也、豈粗

人所能信、精猶博也、豈弘通所獨闕

論云、佛言華而引、道言實而析、析則明者獨進、引則昧者競前、疑曰、夫華不隔理、則爲達鑿所陶、實未屆虛、故爲鑽賞所業、陶業有序者爲質昧邪、爲待明邪、若其質昧、則明不獨進、若必待明、則昧不獲前、若明昧俱得、何須抑引、妙況難章、所宜更辯

論云、佛經繁而顯、道經簡而幽、幽則妙門難見、顯則正路易遵、遵正則歸塗不迷、見妙則百慮咸得、疑曰、簡則易從、云何難見、繁則難理、豈得易遵、遵正則歸塗不迷、可曰、階道之極、雖非幽簡、自然玄造、何假難明之術、代茲易曉之路哉

論云、若殘忍剛愎、則師佛爲長、慈柔虛受、則服道爲至、疑曰、夫邪見枉道、法所不存、慈悲喜捨、是所漸錄、喜心則能受、捨亦必虛、虛受之義、宥然復會、未知殘愎之人、更依何法、若謂所受者異、則翻成刻船、何相符之有乎

心字衍

異乎脫下
彼善二字

周當作同
全當作今
舍當作舍

論云佛是破惡之方道是興善之術又曰中夏之性不可傲西戎之法疑曰興善之談美矣勿傲之誨意所未安請問中夏之性與西戎之人為夏性純善戎人根惡如今根惡則於理何破使其純善則於義何興故知有惡可破未離於善有善可興未免於惡然則善惡參流深淺互列故羅雲慈惠非假東光桀跖凶虐豈鍾西氣何獨高華之風鄙戎之法邪若曰此善異乎彼惡殊乎此惡則善惡本乖寧得同致

論云蹲夷之儀婁羅之辯猶蟲語鳥喙何足述傲疑曰夫禮曰伸敬樂曰感和雖敬由禮伸而禮非敬也和因樂感樂非和也故上安民順則玉帛停筐風淳俗泰則鐘鼓輟響又鐘帛之運不與二儀並位蓋曰拯頓權時不得已而行耳然則道義所存無係形容苟造其反不嫌殊周全祇蹲虔跪孰曰非敬敬曰伸心孰曰非禮禮敬玄符如何徒捨舍識之類人標其所貴貴不在言言存貴理

損作捐

黜當作默

是曰麟鳳懷仁見重靈篇猩猩能語受蚩禮章未知之所論義將
何取若執言損理則非知者所據若仗理忘言則彼曰破相明宗
故李叟之常非名欲所及維摩靜黜非巧辨所追檢其言也彼我
俱遣尋其旨也老釋無際俱遣則濡沫可造無際則不負高貴何
乃遠望般若名非智慧便相挫滅比類蟲鳥研復逾日未愜鄙懷
且方俗殊韻豈專胡夏近唯中邦齊魯不同權輿俶落亦古今代
述曰其無妨指錄故傳授世習若其非也則此未爲是如其是也
則彼不獨非既未能相是則均於相非想茲漢音流入彼國復受
蟲誼之尤烏聒之誼異羅之辯亦可知矣一曰此明廷楹可齊兩
若兼除不其通乎夫義奧淵微非所宜參誠欲審方玄匠聊伸一
往耳傾心遜位遲聞後裁

弘明集七

李淼

淼爲交州刺史

衍作實

與道高法明二法師書難佛不見形

夫道處清虛四大理常而有法門妙出羣域若稱其巧能利物度脫無量爲教何已不見真形於世真空說而無術邪今正就尋西方根源伏願大和上垂懷允納下心無惜神誥弟子李淼和南

集十

李淼和南旋省雅論位序區別辭況充美欣會良多所謂感化異時像正殊俗援外已映內微文已驗實敬範來趣無所間然夫受悟之由必因鑑觀開寄生疑疑非悟本若書契所存異代齊解萬世之後可不待聖而師矣若乃聲跡並資言象相濟大義既乖儒墨競興豈徒正信不明將亦謗誤增疊得不取證於示見印記已自固乎大聖已無礙之慧垂不請之慈何爲悟昭昭之明晦倍尋之器絕羣望於泥洹之後興罪垢於三會之先芻狗空陳其能悟乎儀像虛設其能信乎至於帝王姬孔訓止當世來生之事存

而不論故其隱見廢興權實莫辨今如來軌業彌貫三世慈悲普潤不得已見在為限羣迷求解不可已滅盡致窮是已化度不止於篇籍佛事備列於累萬問今之所謂佛事者其焉在乎若如雅況所信在此所驗在彼而聖不世出孔釋異塗即事而談罔非矛盾矣其可相驗乎未能嘿廢聊復寓言幸更詳究遲覩清釋

弘明集十

李嶽和南雅論明受悟之津爰自疑得開寄有餘無取鑒觀鞠躬讚誦成尼屈道覽復往況彌觀淵曠然所謂像法乖正求悟理應借筌會旨無假示見此固姬孔所已垂訓輝光所已不表取之世典縛焉足矣放光動地徒何為乎若正信不止於俯仰而佛事備舉於形贅大覺所由妙其色涉求之所基始故知信者必已儒墨致疑學者將由無證自悔吝明無咎於三五潛景道德愆於十號矣豈不然乎又誨姬孔務拯積季無暇來生設在結繩三世自明

業弘明集
作涉求之
可基其始

續
續當作

亦又不然七經所陳義兼未來釋典敷載事止緣報故易云積善餘慶積惡餘殃經云無我無造無受者善惡之業亦不亡此則緣教常緩兼訓已弘豈謂所務在此所闕在彼哉來論雖美故自循環之說耳望復權新演異已洗古今之滯使夷路坦然積礙大通也深願大和上垂納亮款弟子李森謹呈弘明集十一

王叔之

叔之字穆仲琅邪人晉宋間處士有莊子義疏三卷集十卷見經

典釋文敘錄案隋經籍志有宋王叔之集七卷梁十卷舊唐經籍志宋王叔之集十卷羣書引見作升之叔之叔元淑之與敘之名凡五異疑止一人今從釋文敘錄列叔之名而各書互異每篇分注之

翟雉賦并序

余在荆楚見人有養雉翟二鳥者慨然感之而為賦云

含野氣於人塗信多懼而少嘉雉見質而不陋翟表文而不華映

寒條之始綠發冬秀之餘葩藝文類聚九十一引作叔之

遂隱論

崇退儒生問於抱朴丈人曰請問隱何為者也而生上古徇之至
今繼踵何哉丈人曰夫全朴之道萬物一氣三極湛然天人無際
豈有朝野之別隱顯之端哉則夫隱於已失者也平原既開風流
散漫故隱者所已全其真素養其浩然之氣也疏文類聚三十七作叔之

懷舊序

余與從甥孫道濟交好特至昔寓荊州同處一室冬多閑暇長共
學書余收而錄之欲已為索居之愛道濟因記紙末曰舅還山之
日覽此相存閱書見其手跡較若平日懷悵傷心御覽七百四十九作升之

傷孤鳥詩序

偶得二鳥將欲放之俄頃而一者死一者既放屢顧悲鳴感微禽
之有心遂為詩曰傷之疏文類聚九十一作叔之

續劉伯倫酒德頌

有酒則飲清含醇無酒則滄糟出口書鈔一百四十八作升之

舟贊

致遠任重各因所由陸則騁車水惟用舟弱楫輕權利涉齊求緬

彼漁父鼓棹清謐北堂書鈔一百二十七一百二十八並作舟之

元御覽七百七十作叔之

笏贊

慎為德要唯善用光故上尊賢貴不踰常用制斯器備對遺忘因

事施禮升降有章初學記二十六作升之

柑橘贊

節重履險操貴有恆一樹保榮四運齊能在質惟美於味斯弘異

分南域北則枳橙藝文類聚八十六初學記二十八並作升之

蘭菊銘

蘭既春敷菊又秋榮芳薰百草色豔羣英孰是芳質在幽愈馨藝文

類聚八十
一作淑之

荀倫
荀倫一作荀倫

倫字君文河內人

與河伯賤

伏惟河伯府君君侯潛曜靈泉翺翺神渚發洪流於崑崙揚高波

於砥柱包四瀆曰稱王總百川而為主初學記六 案劉敬叔異苑云河內荀儒字君林乘

冰省舅氏陷河而死兄倫字君文求尸積日不得設祭水側授賤與河伯宿岸則冰開手執賤浮上倫又賤謝之

襲慶

襲慶爵里未詳案御覽黃正色本作襲慶近刻御覽作襲慶隋唐志崇文總目竝載劉涓子鬼遺方十卷云襲慶宣譏姓名互異攷文選蜀都賦注引風俗通賈人盧補齊郭

度夕襲七姓是襲非誤字而華陽國志後漢板析蠻傳所載七姓襲作襲未詳孰是

鬼遺方序

劉涓子不知何許人也晉末於丹陽郊外較射忽見一物高二丈

許因射而中之走而電激聲若風雨夜不敢追明旦率門人弟子
鄰伍數十人尋其蹤跡至山見一小兒問之何姓小兒云主人昨
夜為涓子所射今欲取水已洗瘡因問小兒主人是誰荅曰是黃
父鬼乃將小兒還未至聞擣藥聲遙見三人一人臥一人開書一
人擣藥比及隨叫笑而前三人竝走遺一帙癰疽方許一白藥人
有癰者塗之隨手而愈御覽七百二十四 紫鬼遺方十卷北宋
頭垢塗之即出又小兒初生不尿人乳四合慈白一寸煎滾分作
四服即利又初生吐乳入乳二合籩條幾少許鹽二粟大同煎沸
入牛黃末許與服又治疥癬松膠香研細約酌少入少輕粉滾令
勻凡疥癬上先用油塗了未一日便乾頑者三兩度案此四方
余於嘉慶中編輯全宋文時隨見隨錄也後見讀畫齋
叢書辛集有五卷木則此書今世尚存其半為之一喜

道元爵里未詳

與天公牋

道元居在城南接水近塘草木幽鬱蚊虻所藏茅茨陋宇纔容數

狀無有高門大戶來風致涼積汗累燠體貌萎黃未免夏暑逆愁
冬霜冬則兩幅之薄被上有牽絲與敝絮徹曰三股之絲纏裕曰
四升之粗布狹領不掩其巨形促絲不覆其長度伸脚則足出攀

捲則脊露

高似絲緯略作吞道元與吞公騰
文類聚三十五作喬道元文少二十字

茲

奴曰高安兩手並殘指如竹筒畏風惡寒小者家生厥名曰饒腹
中痕堅大如飯指飽食終日不能作勞借一小兒僞公吳母近因
冬節暫詣其舅狗咬一脛肉落如手攣筋徹骨跛而不愈長婢來
成左目失明動則入井已死復生次婢良信有桓公司馬之疹行
步雖曠了無前進隱疾難明辭不盡韻小婢從成南方之奚形如
驚鷹言語嘍僂音駭人惟堪驅雞他無所役遣詣阿嵇復被狗
咋困熟如泥初學記十九

有露車一乘轅復摧折曰犁轅續之左崎右嶮強弱相負傷行斫

轅御覽七百七十三

張委

委爵里未詳案御覽列於顏延之後殷琰簡知是宋人

九愍

映金箱之羽蓋鳴玉衡之鸞鑪望天路日振策指萬里於崇朝御覽

三百五十八

王昊之

昊之爵里未詳

與琅琊太守許誠言書

貴郡臨沂縣沙村逆鱗魚可調藥物

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷五十七終

全宋文卷五十八

烏程嚴可均校輯

列女

臨川長公主

公主名英媛，文帝第六女。適東陽太守王藻。景和中，議之於前。廢帝，藻坐，下獄死。與王氏離婚。泰始初，改適豫章太守庾沖遠。未及成禮，沖遠卒，復還王族。

上表乞還身王族

妾遭隨奇薄，絕於王氏。私庭囂戾，致此分異。今孤疾煢然，假息朝夕。情寄所鍾，唯在一子。契闊荼炭，特兼憐愍。否泰枯榮，繫已爲命。實願申其門壘，還爲母子。推遷僂俛，未及自聞。先朝慈愛，鑒妾丹衷。若賜使息，徹歸第定省，仰揆天旨，或有可尋。今事迫誠切，不願典憲，敢緣恩霽，觸冒披聞。特乞還身王族，守養弱嗣。雖死之日，實

甘於生。宋書孝武文穆王皇后傳后弟藥向臨川長公主藻死離婚太宗召江敦讓婚表備示諸主於是上表從之

玉秀

玉秀彭城王義康女

露板辭

父凶滅無狀孤負天明存荷優養沒蒙加禮明罰羽山未足救法

烏鳥微心昧死上訴乞反葬舊塋糜骨鄉壤宋書彭城王義康傳大明四年義康女玉

秀等露板辭諸聽竝加資給

范氏

范氏太子左衛率王錫妻錫傳達兄

與夫弟僧達書

昔謝太傅奉寡嫂王夫人如慈母今蔡興宗亦有恭和之稱宋書蔡興宗傳

宗傳南史二十九

闕名

有司

牀奏

東西堂施局脚牀銀塗釘宋書武帝紀下宋

奏請崇蕭太后

臣聞道積者慶流德洽者禮備故祇敬表於崇高嘉號彰於盛典

伏惟太妃母儀之德化穆不言保胤之訓光被洪業雖幽明同慶

而稱謂未窮稽之前代禮有恆準宜式遵舊章允副羣望臣等參

受宋皇太后號宋書孝懿蕭皇后傳

奏用廟祀歌辭

皇朝肇建廟祀應設雅樂太常鄭鮮之等八十八人各撰立新哥

黃門侍郎王韶之所撰哥辭七首並合施用宋書樂志一永初元年七月有司奏又見

御覽五百六十六

又奏改太樂諸歌舞詩

依舊正旦設樂參詳屬三省改太樂諸哥舞詩黃門侍郎王韶之

立三十二章合用教試日近宜逆誦習輒申攝施行

宋書樂志一
永初元年十

二月有
司又奏

奏請推恩外戚

大孝之德盛於榮親一人有慶光被萬國是日靈文寵於西京壽

張顯於隆漢故平原太守趙裔故洮陽令蕭卓並外屬尊戚不逮

休寵臣等仰述聖恩遠稽舊章並可追贈光祿大夫加金章紫綬

裔命婦孫可豫章郡建昌縣君卓命婦趙可吳郡壽昌縣君

宋書
孝穆

趙皇后傳永初
二年有司奏

奏郊配

武皇帝配南郊武敬皇后配北郊

宋書少帝紀永初
三年九月有司奏

奏上張太后尊號

臣聞嚴親敬始所因者本克孝之道由中被外惟夫人德並坤元

徽音光劬發祥兆慶誕啟聖明宜崇極徽號允備盛則從春秋母

曰子貴之義遵漢晉推廣之典謹上尊號為皇太后宮曰永樂

宋書武帝張夫人傳大人人生少帝少帝即位有司奏

奏上胡太后尊號

臣聞德厚者禮尊慶深者位極故闕宮既構咏歌先妣園陵崇衛

聿追來孝伏惟先妣好柔明塞淵光備六列德昭三範訓洽母儀

用能啟祚聖明奄宅四海嚴親莫逮天祿永遠臣等遠準春秋近

稽漢晉謹上尊號曰章皇太后陵曰熙寧立廟於京師

宋書武帝胡婕妤傳文帝即位有司奏

奏免何玠之

揚州刺史王弘上會稽從事韋詣解列先風聞餘姚令何玠之造

作平牀一乘舴艋一艘精麗過常用功兼倍請免玠之官

御覽七百七十一引元嘉起居注有司奏認可

案王弘為揚州在元嘉初

奏無讀土令之文

謹案道娛啟事曰土令在近謂饋不宜變萬秋雖云饋宜仍舊而
不明無讀土令之文今書舊事于左魏臺雜訪曰前後但見讀春
夏秋冬四時令至於服黃之時獨闕不讀今不解其故魏明帝景
初元年十二月二十一日散騎常侍領太史令高堂隆上言曰黃
于五行中央土也王四季各十八日土生於火故於火用事之末
服黃三季則否其令則隨日時不已五行爲分也是已服黃無令

宋書禮志二元
嘉六年有司矣

奏掖庭有故不舉祭

禮喪服傳云有死於宮中者則爲之三月不舉祭今祈祀既戒而
掖庭有故下太常依禮詳正太學博士江遠袁朗徐道娛陳珉等
議參互不同殿中曹郎中領祠部謝元議曰爲遵依禮傳使有司
行事於葦爲安輒重參詳宗廟敬重饗祀精明雖聖情罔極必在

親奉然苟曰有疑則情已禮屈無所稱述於義有據請聽如元所

上 宋書禮志四元嘉七年四月有司奏詔可又略見通典五十二

奏無兩禫禮

喪禮有禫已祥變有漸不宜便除即吉故其間服已絞縞也心喪

已經十三月大祥十五月祥禫變除禮畢餘情一周不應復有再

禫宣下旨為永制宋書禮志二通典八十元嘉十七年有司奏

奏請用何承天新麻

治麻改憲經國盛典爰及漢魏屢有變革良由術無常是取協當

時方今皇猷載曜舊域光被誠應綜覈曷度旨播維新承天麻術

合可施用宋二十二年普用元嘉麻宋書麻志上元嘉二十二年何承天上新麻詔外詳議有司

奏

上彭城王義康罪狀

義康昔擅國權恣心陵上結朋樹黨苞納凶邪重豎彰著事合明

罰特遭陛下仁愛深至，敦惜周親，封社不削，爵寵無貶，四海之心，朝野之議，咸謂皇德雖厚，實撓典刑，而義康留不思此大造之德，自出南服，詭飾情貌，外示知懼，內實不悛，窮好極欲，干請無度，聖慈含弘，每不折舊，矜釋屢加，恩時已往，而陰教行李，方啟交通之謀，潛資左右，曰要死士之命，崎嶇伺隙，不忘窺竊，時猶隱忍，罰止僕侍，狂疾之性，永不懲革，兇心遂成，悖謀仍構，遠投羣醜，千里相結，再議宗社，重闢鼎祚，賴陛下至誠感神，宋庠方永，故茲事昭露，罪人斯得，周公上聖，不辭同氣之刑，漢文仁明，無隱從兄之惡，況義康疊深一叔，謀過淮南，背親反道，自棄天地，臣等參議請下有司，削義康王爵，收付廷尉法獄治罪。宋書彭城王義康傳元嘉二十二年范曄等謀反事述義康有司上奏於是免義康子女為庶人絕屬籍徙封安成郡

奏換民資日充軍用

軍用不充揚南徐兗江四州富有之民家資滿五千萬僧尼滿三

千萬者，臣四分換一，過此率，請事息，即還。宋書宗廟傳元嘉二十七年有司奏

奏皇子宜為生母服

古者與尊者為體，不得服其私親，而比世諸侯，咸用土禮，五服之

內，悉皆成服，於其所生，反不得遂。宋書禮志二元嘉二十九年南

無服麻衣，練冠既葬，而除有司。奏云云，於是皇子皆申母服。

奏上路太后尊號

臣聞厥集周邦，徽音充嗣，氣潛漢國，沙麓發祥，昔在上代，業隆朕

遠，未有不敷陰教，日闢洪基，膺淑慶，日載聖哲者也，伏惟淑媛柔

明內昭，徽儀外範，合靈初迪，則庶姬仰耀，引訓蕃闡，則家邦被德，

民應惟和，神屬惟祉，故能誕鍾淑躬，用集大命，固靈根於既殞，融

盛烈乎中興，載厚化深，聲詠允緝，宜式諧舊典，恭享極號，奉尊號

曰皇太后，宮曰崇憲。宋書文帝路淑媛傳淑媛生孝武帝，帝隨世祖

建平王宏奉迎，有司奏

奏不應致拜太傅

聖旨謙光尊師重道欲致拜太傅斯誠弘茲遠風敦闕盛則然周之師保實稱三吏晉因於魏特加其禮帝道嚴極既有常尊攷之史載未見茲典故下壺孫楚並謂人君無降尊之義遠稽聖典近卽羣心臣等參議謂不應有加拜之禮宋書江夏王義恭傳世祖致禮太傅卽降進位爲太傅上不欲

奏請議殄寇告二郊

劉義宣賊質干時犯順滔天作戾連結淮岱謀危宗社質反之始戒嚴之日二郊廟社皆已遍陳其義宣爲逆未經同告輿駕將發醜徒冰消質旣梟懸義宣禽獲二寇俱殄並宜昭告檢元嘉三年討謝晦之始普告二郊太廟賊旣平蕩唯告太廟太社不告二郊禮官博議宋書禮志三孝建元年六月八座奏奏議傷及無後廟祭

東平沖王彥偁無後唯塲服五月雖臣不塲君應有主祭而國是
追期又無其臣未詳毀靈立廟為當他耐宋書禮志四孝建元年
七月有司奏又見通典

奏裁諸王車服制度

車服曰庸虞書茂典名器慎假春秋明誠是曰尚方所制禁嚴漢

律江夏王義恭傳諸侯竊服雖親必臯白頭呂來下僭彌盛降傳作

頭世下僭滋極器服衰飾樂舞音容通於王公達於眾庶上下無辨人志

靡一今表之所陳傳作義實允禮度九條之格猶有未盡謹共附

益凡二十四條聽事不得南向坐施帳并帟蕃國官正冬不得跣

登國殿及夾侍國師傅令及油戟公主王妃傳令不得朱服與不

得重枉傳作郭扇不得雉尾劔不得鹿盧形梨毗不得孔雀白鷺

南史作夾鼓隊不得絳襖平乘誕馬不得過二匹胡伎不得練衣

白髦傳作舞伎正冬著袿衣不得莊面蔽花正傳作冬會不得鐸舞

杯梓舞長躡伎趨狻舒九劔傳作長躡透狻舒劔博山伎緣大幢伎升五案

伎傳作博山緣大幢自非正冬會奏舞曲不得舞諸妃主不得著

袞帶傳南史信幡非臺省官悉用絲郡縣內史相及封內史長於

其封君既非在三罷官則不復追敬不合稱臣正宜上下官敬而

已傳無正上敬三字但諸鎮常行車前後不得過六隊白直夾轂

不在其限刀不得過銀銅為裝傳作諸王女封縣主諸王子孫襲

封王王之妃傳作襲封及封侯者夫人行並不得鹵簿諸王子繼

體為王者婚葬吉凶悉依諸國公侯之禮不得同皇弟皇子車與

不得油幢輜車不在其限此二句傳作一句云平乘坊皆平傳前

皆下平乘那兩頭作露平形不得擬象龍舟悉不得朱油帳繡不得作

五花及豎箚形傳無下若先有器物者悉輸送臺臧書到後二十

日期若有竊玩犯禁者及統司無舉糾並臨時議罪宋書禮志五

月江夏王義恭竟陵王誕表改革諸王車服制度凡九條上四

諷有司增廣條日奏云云又見江夏王義恭傳又見南史十三

奏請議殷祭

依舊今元年十月是殷祠之月。領曹郎范泰參議依永初三年例須再周之外殷祭。尋祭再周來二年三月若日四月殷則猶在禮

內下禮官議正

宋書禮志三孝建元年十二月有司奏

奏請議郊祠灌獻

今日十五日南郊尋舊儀廟祠至尊親奉日太尉亞獻南郊親奉

日太常亞獻又廟祠行事之始日酒灌地送神則不灌而郊初灌

同之於廟送神又灌議儀不同於事有疑輒下禮官詳正

宋書禮志三孝

建二年正月庚寅有司奏

奏改郊廟樂名

宋承晉氏郊廟之樂未有名稱直號前舞後舞有乖古制

通典一百四十一

七建武二年有司奏案宋無建武年號當是孝建之誤

奏為皇后父服

故散騎常侍右光祿大夫開府儀同三司義陽王師王偃喪逝至
尊爲服總三月成服仍卽公除至三月竟未詳當除服與不又皇
后依朝制服心喪行喪三十日公除至祖葬日臨喪當著何服又
舊事皇后心喪服終除之日更還著未公除時服然後就除未詳
今皇后除心制日當依舊更服爲但釋心制中所著布素而已勒
禮官處正宋書禮志二 月有司奏 孝建三年三 通典八十

奏定副車

案漢胡廣蔡邕並云古者諸侯貳車九乘秦滅六國兼其車服故
王者大駕屬車八十一乘尚書御史乘之最後一車懸豹尾法駕
則三十六乘檢晉江左逮至於今乘輿出行副車相承五乘宋書禮志

五孝建三年五月有司奏

奏請議皇子出後告廟

皇子出後檢未有告廟先例輒勒二學禮官議正應告與不告者

爲告幾室

宋書禮志四孝進
三年五月有同奏

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷五十八終

全宋文卷五十九

烏程嚴可均校輯

闕名二

有司二

奏請議王子出後告廟臨軒

朗先嗣營陽告廟臨軒檢繼體為後舊不告廟臨軒下禮官議正

宋書禮志四大明元年六月詔百兩太子步兵校尉祗男欽紹南豐王朗有司奏

奏請議南郊值雨

今月六日南郊輿駕親奉至時或雨魏世值雨高堂隆謂應更用

後辛晉時既出遇雨顧和亦云宜更告徐禪云晉武之世或用丙

或用己或用庚使禮官議正并詳若得遷日應更告廟與不

宋書禮志

三大明二年正月有司奏又見通典四十二

奏請議皇后為父服朞

故右光祿大夫王偃喪依格皇后服其心喪三年應再周來二月
晦檢元嘉十九年舊事武康公主出適二十五月心制終盡從禮
卽吉昔國哀再周孝建二年二月其月末諸公主心制終則應從
吉於時猶心禫素衣二十七月乃除二事不同宋書禮志二大明
二年正月有司奏
奏請議殷祭無事於章后廟

皇代殷祭無事於章后廟高堂隆議魏文思后依周姜嫄廟禘祫
及徐邈答晉宣太后殷薦舊事使禮官議正宋書禮志四大明
二年二月有司奏

奏余齊民孝行

收賢旌善萬代無殊心至自天古今豈異齊民至性由中情非外
感淳情凝至深心天徹晚訊遺旨一慟殞亡雖迹異參柴而誠均
上趙方今聖務彫被移革華夏實乃風淳巨禮治本惟孝靈祥歸
應其道先彰齊民越自氓隸行貫生品旌闈表墓允出在茲宋書
余齊

民傳大明二
年有司奏

奏請議太子妃建旒

斬莫日建旒與不若建旒應幾旒及畫龍升降云何又用幾製南

書禮志下大明二年太子妃薨建九旒有司又議

奏請議太子妃靈還在道設祭

穆妃卒哭後靈還在道遇朔望當須設祭不南齊書禮志下有司奏

奏請議停祭

來七月十五日嘗祠太廟章皇太后廟輿駕親奉而乘輿辭廟親

戎太子合親祠與不且今月二十四日第八皇女夭案禮宮中有

故三月不舉祭皇太子入住上宮於事有疑下禮官議正宋書禮志四大

明三年六月有司奏

奏請議廟祠有故遷日

四時廟祠吉日已定遇雨及舉哀舊停親奉日有司行事先下使

禮官博議於禮為得遷日與不宋書禮志四大明三年十一月有司奏

奏南郊親奉儀注

南郊親奉儀注。皇帝初著平天冠。火龍黼黻之服。還變通天冠。絳紗袍。廟祀親奉。舊儀。皇帝初服與郊不異。而還變著黑介幘。單衣。卽事乖體。謂宜同郊。還亦變通天冠。絳紗袍。又舊儀乘金根車。今五路既備。依禮玉路。已祀亦宜改金根車爲玉路。

宋書禮志五大明四年正月有

司奏

奏上封禪儀注

臣聞崇號建極。必觀俗。已樹教。正位居體。必探世。已立言。是已重代。列聖咸由厥道。玄勳上烈。融章未分。鳴光委緒。歆而罔臧。若其顯謚。略騰軌則。系綴聲采。徵略聞聽。爰洎姬漢。風流尙存。遺芬餘榮。綿映紀緯。雖年絕世。祀代革精華。可得騰金縵。奏玉潤。鏤迹。已燠。今鐫德。已麗遠。而四望埋禋。歌之禮。日觀弛。修封之容。豈非神明之業。難崇功基之迹。易泯自茲。已降訖於季末。莫不欲英弘徽。

位詳固洪聲豈徒深默修文淵幽馭世而已諒已騰非虛奏書匪
妄埋擊雨怒神潛磨復樹安得紫壇肅祇竹宮載於散火投郊流
星奔座寶緯初基厥靈命麻德振袍維功濟淪象玄浸紛流華液
幽澗規存永馭思詳樹遠太祖文皇帝已啟邁泰運景望震凝采
樂調風集禮宣度祖宗相映軌迹重暉聖上韞錄蕃河竚翔銜漢
金波掩照華耀停明運動時來躍飛風舉澄氛海岱開景中區歛
神還靈積天重耀儲正凝位於兼明袞嶽蕃華於元列故已祥朕
昌基繫發篆素重已班朝特典飾合詳儀纂綜淪蕪搜騰委逸奏
玉郊宮禋珪玄時景集天廟脈壤祥農節至昕陽川丘夙禮網威
巡駐表綏中甸史流其詠民挹其風於是涵迹視陰振聲威響歷
代之渠沈闕望內安侯之長賢王入侍殊生說氣奉俗還鄉羽族
卉儀懷音革狀邊帛絕書懼光弛燭天岱發靈宗河開寶崇丘淪
鼎振采泗淵雲皇王嶽摘藻闕漢并角卽音棲我禁藥袞甲霜味

翺舞川肆榮泉流鏡後昭河源故曰波沸外關雲蒸內澤若其雪
趾青毳玄文朱綵日月郊甸擇木弄音重曰榮露騰軒蕭雲掩閣
鎬穎萃萌移華淵禁山輿於衡雲鶴竦翼海鯨泳流江茅吐蔭校
書之列仰筆曰飾辭濟代之蕃獻邑曰待禮豈非神總氣昌物瑞
雲照蒲軒龜軫關泉滄芳太宰江夏王臣義恭咀道遵英插奇麗
古該潤圖史施詳闕載表曰功懋往初德耀炎昊升文中岱登牒
天闕耀冠榮名擢振聲號而道謙稱首禮曰虛挹將使玄祇缺觀
幽瑞乖期梁甫無盛德之容介丘靡升聞之響加窮泉之野獻八
代之馴交木之鄉奠絕金之楛肅靈重表珍符兼貺伏惟陛下謨
詳淵載衍屬休章依徵聖靈潤色聲業諏辰稽古肅齊警列儒僚
展采禮官相儀懸鞀動音洪鍾竦節陽路整衛正途清禁於是績
環珮端玉藻鳴鳳竚律騰駕流文閒綵比象之容昭明紀數之服
徽焯天陣容藻神行翠蓋懷陰羽華列照乃詔聯事掌祭賓客贊

儀、金支、荷縣、鋪石、潤響、命五神、百相、列闕、九闔、百集、靈警、衛兵、而
開雲、先雨、祇百、儷路、霞凝、生闕、煙起、成宮、臺冠、丹光、壇浮、素露、爾
乃臨中壇、備盛禮、天降祥錫、壽固皇根、谷動神音、山傳稱響、然後
辨年問老、陳詩觀俗、歸薦告神、奉遺清廟、光美之盛、彰乎萬古、淵
祥之烈、溢乎無窮、豈不盛歟、臣等生接昌辰、肅懋明世、束教管聞、
未足言道、且章志湮微、代往淪絕、拘採遺文、辨明訓誥、□□□□
筮訪鄒魯、草騰書堙、玉之禮具、竦石繩金之儀、和芝潤瑛、鑄璽乾
封、懼弗軌屬、上徽輝、當王則、謹奉儀注、百聞、
宋書禮志三、大明元
年十一月、江夏王讓
恭表、請封禪、開年四月、
辛亥、有司奏、詔停此奏、

奏竟陵王誕罪狀

臣聞神極尊明、大儀所召、貞觀皇天、峻逸玄化、所召幽宣、故能經
緯眡俗、大庇黔首、庶道被八紘、不遺疏賤之賞、威格天區、豈漏親
貴之罰、此不刊之鴻則、古今之恆訓、謹案元嘉之末、天綱崩褫、人

神哀憤含生喪氣司空竟陵王誕義兼臣子任居藩維進不能泣
血提戈忘身徇節退不能閉關拒險焚符斬使遂至拜受僞爵欣
承榮寵沈淪姦逆肆於昏放日妻故司空臣湛之女誅亡餘類單
舟逆遣披猖千里事哀行路賊忍無親莫此爲甚故山陰傳僧祐
誠亮國朝義均休戚重門峻衛不能拒折簡之使巖險千里不能
庇匹夫之身乃更助虐馮凶抽兵勒刃遂使頓仆牢窶死不旋踵
妻子播流庭筵莫立見之者流涕聞之者含歎及神鋒首路機槍
東指風捲四嶽電掃三江誕猶持疑兩端陰規進退陛下頻遣書
檄告警殷勤方改姦圖未乃奉順分遣弱旅永塞符文宴安所莅
身不越境悖禮忘情不顧物議彎弧躍馬務是收游致奔牛有崩
碎之陳新亭無獨克之術假威義銳乞命皇旅竟有何勞而論功
伐旣隳殿廓清大明升曜幽顯宅心遠邇雲集誕忽星行之悲違
開秦之慶遲回顧望淹淪旬朔逆黨陳叔兒等泉寶鉅億資貨不

賈誼收籍所得不歸天府辭侮天軍賈入私室又太官東傳舊自
獻御喪亂既平猶加斷過珍羞庶品回充私膳於號諱之辰遽甘
滋之品當維新之始絕苞苴之貢忠孝兩忘敬愛俱盡乃徵引巫
史潛攷圖緯自謂體應符机富貴可期悖意醜言不可勝載遂復
遙諷朝廷占求官爵侮蔑宗室詆毀公卿不義不昵人道將盡荷
任神州方懷姦慝每闕向宸御妄生規幸多樹淫祀顯肆黷詛遂
在石頭潛修法物傳警稱蹕擬則天行皆已駭暴觀聽彰布朝野
昔內難甫盪珍瑋散佚有御刀利刃擅價諸夏天府禁器歷代所
珍誕密加購賞頓藏私室賊義宣初平餘黨逃命誕含縱罔忌私
竊招納名工納巧悉匿私第又引義宣故將裴興爲己腹心事既
彰露猶執欺罔公文面啟矯稱舊缺加己營于制館僭擬天居引
石徵林專擅興發驅迫士族役同輿阜殫木土之姿窮吞并之勢
故會稽宣長公主受遇二祖禮級尊崇臣湛之亡身徇國追榮典

軍誕曰廣托宅宇地妨藝植輒逼遺孤頓相驅徙遂令神主宵遷改卜委巷宗戚含傷行路掩涕又緣谿兩道積代通衢誕拓宇開垣擅斷其一致使徑塗擁隔川陸阻礙神怒民怨毒徧幽顯故丞相臨川烈武王臣道規名德茂親勳光常策異禮殊榮受自先旨者嗣王臣義慶受任西夏靈寢暨移先帝親枉鑿輿拜辭路左恩冠終古事絕常班誕又曰廟居宅前固請毀換詔旨不許怨懟彌極有覲而且豺狼爲性規收江都希廣兵力天德尙弘甫申所請仍謂應住東府宜爲中台貪冒無厭人莫與比雖聖慈全救每垂容納而虐戾不悛姦諛彌甚受命還鎮猜怨愈深忠規正諫必加鳩毒諂瀆庸蹠是與比周又矯稱符敕設牘開募事發辭寢委罪自下及錄事徐靈諱曰常署受坐將就囚執僞韓近恭中護軍遣吏夏嗣伯密相屬請求寬桎梏且王僧達臨刑之啟事高閣卽戮之辭皆稱潛驛往來遙相要契醜聲穢問宣著遐邇含識能言孰

不憤歎。又獲吳郡民劉成、豫章民陳談之。建康民陳文紹等並如
訴狀。則姦情猜志。歲月增積。昔周德初升。公旦有流言之讞。魯道
方泰。季子斷遠泉之誅。近則淮厲覆車於前。義康襲軌於後。變發
柴奇。禍成范謝。亦皆已義奪親情。爲憲屈沉。乃上悖天經。下誣政
道。結釁於無妄之辰。希幸於文明之日。皇穹所不覆。厚土所不容。
夫無禮之誠。臣子所宜服膺。干紀之刑。有國所應慎守。臣等參議
宜下有司。絕誕屬籍。削爵土。收付廷尉。法獄治罪。諸所連坐。別下
考論。伏願遠尋宗周之重。近監興亡之由。割恩棄私。俯順羣議。則
卜世靈根。於茲克固。鴻勳盛烈。永永無窮。陛下如復隱忍。未垂三
思。則覆皇基於七百。擠生民於塗炭。此臣等所已夙夜危懼。不敢
避鈇鉞之誅者也。宋書竟陵王誕傳大明四年上乃使有司奏不許有同固請貶爵爲侯

奏立明堂

伏尋明堂辟雍制無定文。經記參差。傳說乖舛。名儒通折。以各事所

見或曰爲名異實同或曰爲名實皆異自漢暨晉莫之能辨周書云清廟明堂路寢同制鄭玄注禮義生於斯諸儒又云明堂在國之陽丙己之地三里之內至於室宇堂舍戶牖達向世代湮緬難得該詳晉侍中裴頠西都碩學攷詳前載未能制定己爲尊祖配天其義明著廟宇之制理據未分直可爲殿己崇嚴祀其餘雜碎一皆除之參詳鄭玄之注差有準據裴頠之奏竊謂可安國學之南地實丙己爽塏平曠足己營建其牆宇規範宜擬則太廟唯十有二間己應一期之數依漢汶上圖儀設五帝位太祖文皇帝對饗祭皇天上帝雖爲差降至於三載恭祀理不容異自郊徂宮亦宜共日禮記郊己特牲詩稱明堂羊牛吉蠲雖同質文殊典且郊有燔柴堂無禋燎則鼎俎彝簋一依廟禮班行百司搜材節工權置起部尚書將作大匠量物商程剋今秋繕立

宋書禮志三大明五年四月有祠奏

又通典

四十四

奏請議郊配用牛數

南郊祭用三牛，廟四時，祠六室用二牛，明堂肇建，祠五帝，太祖文

皇帝配，未詳祭用幾牛。宋書禮志三：大明五年九月有司奏

奏請議太子妃喪徹樂

皇太子妃薨，至尊皇后並服大功九月，皇太后小功五月，未詳二

御何當得鼓吹及樂。宋書禮志二：大明五年閏九月有司奏

奏定法駕鹵簿

漢儀注：大駕鹵簿，公卿奉引，大將軍參乘，太僕卿御，法駕侍中參

乘，奉車郎御，晉氏江左，大駕未立，故郊祀用法駕，宗廟曰小駕，至

於儀服，二駕不異，拜陵，御服單衣，幘百官陪從，朱衣而已，亦謂之

小駕，名實乖舛，攷尋前記，大駕上陵，北郊，周禮宗廟於昊天有降

宜曰大駕郊祀，法駕祠廟，小駕上陵，如為從序，今改祠廟為法駕

鹵簿，其軍幢多少，臨時配之，至尊乘玉路，曰金路，象路，革路，木路

小輦輪御輅衣書等車為副其餘並如常儀

宋書禮志五大明六年八月有司奏

奏定皇太子乘輅

秦改周輅創制金根漢魏因循其形莫改而金玉二輅雕飾略同

造次瞻覩殆無差別若賜於東儲在禮嫌重非所旨崇峻陛級表

示等威今皇太子宜乘象輅碧旂九葉進不斥尊退不逼下酌時

沿古於禮為中

隋書禮儀志五大明六年初備五輅有司奏

奏沙門當拜王者

臣聞遠字凝居非期宏峻拳跪樂伏豈止敬恭將旨昭張四維締

制八寓故雖儒法枝派名墨條分至於崇親嚴上厥餘靡爽惟浮

圖為教過自龍堆反經提傳訓遐事遠練生瑩識沙門不拜俗恆

俗稱難宗旨緬邈微言淪隔拘文蔽道在末彌扇遂迺陵越曲度僣

倨尊賊失隨方之眇迹迷製化沙門不拜俗之淵義夫佛法已謙

儉自牧忠虔為道不輕比丘遭道人斯拜高僧傳作道人必拜沙

門不拜俗事作逢人必

拜疑此目連桑門遇長則禮蓋有屈膝四輩而簡禮二親稽顙者

循道字高僧傳沙門不萬乘者哉故咸康創議元興載述而事

腦而直體拜俗事作直體屈偏黨道挫餘分今鴻源遙洗羣流仰鏡九仙贊寶百神資職而

畿輦之內舍弗臣之毗陛席高僧傳沙門不之間延抗禮之客懼

非所已澄一風範詳示景則者也臣等參議已為沙門接見皆當

盡虔禮敬之容依其本制則朝徹有序乘方兼遂矣宋書天竺迦

明六年九月世祖使有司奏詔可又見高僧傳八釋僧遠又見沙門不拜俗事二

奏請議晉陵王廟祭

故晉陵孝王子雲未有嗣安廟後三日國臣從權制除釋朔望周

忌應還臨與不祭之日誰為主宋書禮志四大明六年十月有同奏

奏藏冰

季冬之月冰壯之時凌室長率山虞及輿隸取冰於深山窮谷涸

陰互寒之處日納於凌陰務令周密無泄其氣先呂黑牡秬黍祭

司寒於凌室之北仲春之月春分之日呂黑羔秬黍祭司寒啟冰
室先薦寢廟二廟夏祠用鑑盛冰室一鑑呂禦溫氣蠅蚋三御殿
及太官膳羞並呂鑑供冰自春分至立秋有臣妾喪詔贈祕器自
立夏至立秋不限稱數呂周喪事繕制夷盤隨冰借給凌室在樂
游苑內置長一人保舉吏二人宋書禮志二大明六年詔立凌室
藏冰有司奏又見通典五十五

奏講武薦牲

鑿輿巡蒐江左講武校獵獲肉先薦太廟章太后廟并設醢酒公
卿行事及獻妃陰室室長行事宋書禮志四大明
七年二月有司奏

奏請議宣貴妃祭

新安王服宣貴妃齊衰周十二月練十三月縗十五月禫心喪三
年未詳宣貴妃立廟應在何時入廟之日當先有祚為但即入新
廟而已若是大祥未及禫中入廟者遇四時便得祭不又新安王
在心制中得親奉祭不宋書禮志四通典四十七
大明七年三月有司奏

奏請議晉陵國廟祭

晉陵國制孝王廟依廬陵平王等國例一歲五祭二國曰王且有
衡陽王服今年內不祠尋國未有嗣王三卿主祭應同無服者之

例與不

宋書禮志四通典五十二
大明七年十二月有司奏

奏請議齊敬王立廟

故齊敬王子羽將來立後未詳便應作主立廟爲須有後之日未

立廟者爲於何處祭祀

宋書禮志四通典五十二
大明八年正月有司奏

賜進士出身二品銜廣東等處提刑按察使司按察使兼管驛傳事務同王毓藻校刊

全宋文卷五十九終

全宋文卷六十

烏程嚴可均校輯

闕名

有司

奏上沈太后尊號

昔幽都追遠正邑纏哀緬慕德義敬奉園陵先太妃德履端華徽
景明峻風光宸掖訓流國幃鞠聖誕靈蚤捐鴻祚臣等遠模漢冊
近儀晉典謹上尊號為皇太后宋書文帝沈婕妤傳婕妤生明帝
卒贈湘東國太妃明帝即位有司
奏

奏請崇憲太后別居外宮

夫德敷於內典章必遠化覃於外徽號宜宣伏惟皇太后懿聖自
天母儀允著義明八遠道變九圍聖明登御景胙攸改皇太后宜
改前號別居外宮宋書文帝路淑媛傳
明帝即位有司奏

奏請議昭太后祔廟

晉太元中始正太后尊號徐邈議廟制自是日來著為通典今昭

皇太后於至尊無親正特制義服祔廟之禮宜下禮官詳議宋書禮志

西秦始二年正月孝武崩太后崩五月甲寅有司奏

奏請議祭孝武昭后二廟禮

來七月當祀二廟依舊車駕親奉孝武皇帝至尊親進觴爵及拜

伏又昭皇太后室應拜及祝文稱皇帝諱又皇后今月二十五日

虔見於禰拜孝武皇帝昭皇太后並無明文下禮官議正宋書禮志西秦

加二年六月有司奏

奏封張興世等

靈朔將軍督豫州之梁郡諸軍事豫州刺史嶺南梁郡太守竟陵

張興世都統水軍屢戰克捷仍進斷賊上流錢溪貴口苦戰平定

凶逆今封南平郡作唐縣開國侯食邑一千戶靈朔將軍參司徒

中直兵軍中廣平佼長生同統水軍屢戰及興世上據錢溪長生
獨距賊衝要功次興世今封武陵郡遷陵縣開國侯食邑八百戶
益朔將軍試守西陽太守吳興全景文尚書比部郎吳縣孫超之
假輔國將軍右衛將軍南彭城劉亮等三人並經晉陵苦戰景文
超之仍又北討破釜水軍斷賊糧運及經葛冢石梁二處破賊亮
南伐經大戰又最處險劇景文今封西陽郡孝靈縣超之封長沙
郡羅縣亮封順陽縣並開國侯食邑各六百戶假輔國將軍驃騎
司馬劉靈遺益朔將軍右軍蔡那益朔將軍屯騎校尉段佛榮等
三人統治攻道並經苦戰靈遺今封新野郡新野縣那封始平郡
平陽縣佛榮封湘東郡臨蒸縣並開國伯食邑各五百戶假輔國
將軍左軍吳興沈懷明龍曠將軍積射將軍東平周盤龍司徒參
軍南彭城李安民等三人懷明經晉陵破賊又水軍南伐統治攻
道盤龍雖不統軍並經大戰先登陷陳安民又隨張興世遇斷錢

溪別統軍貴口破賊今封懷明建安郡吳興縣盤龍封晉安郡晉
安縣安民封建安郡邵武縣並開國子食邑各四百戶假輔國將
軍游擊將軍彭城杜幼文龍驤將軍羽林監太原王穆之龍驤將
軍羽林監濟北頓生龍驤將軍羽林監沛郡周普孫員外散騎侍
郎朱重恩等五人幼文經晉陵破賊在軍統攻道南伐潞湖普孫
副沈攸之都統眾軍穆之生重恩並南伐有功今封幼文邵陵郡
邵陽縣穆之封衡陽郡衡山縣生封始平郡武功縣普孫封順陽
郡清水縣重恩封南海郡龍川縣並開國男食邑各三百戶

宋書
邵陵
傳秦始二年晉安王子勛即位於尋陽
改元義嘉至是平定論功封賞有司奏

奏劫竊依舊制

自今凡劫竊執官仗拒戰邏司攻剽亭寺及傷害吏人并監司將
吏自爲劫皆不限人數悉依舊制斬刑若遇赦黥及兩頰劫字斷
去兩腳筋徒付交梁寧州五人呂下止相逼奪者亦依黥作劫字

斷去兩腳筋徒付遠州若遇赦原斷徒猶黥面依舊補治士家口

應及坐悉依舊結讞

泰始四年四月有司奏

奏遷葬崇寧太后

北疆未緝戎役是務禮之詳略各沿時宜臣等參議修寧陵玄宮補治毀壞權施油毀暫出梓宮事畢即寔於事爲允

宋書文帝路淑媛傳泰始

四年有

司奏

奏請詳太子昏禮

案晉江左已來太子昏納徵禮用玉一虎皮二未詳何所準況或者虎取其威猛有彬炳玉曰象德而有潤栗珪璋既玉之美者豹皮義兼炳蔚熊羆亦昏禮吉徵曰類取象亦宜並用未詳何曰遺文晉氏江左禮物多闕後代因襲未遑研攷今法章徵儀方將大備宜憲範經籍稽諸舊典今皇太子昏納徵禮合用珪璋豹皮熊羆皮與不下禮官詳依經記更正若應用者爲各用一爲應用兩

宋書禮志一明帝泰始五年十一月有司奏又見通典五十八

奏始安王休仁罪狀

臣聞明罰無親情屈於司綱國典有經威申於義滅是已梁趙之誅既出稱過來言之罰克入致動謹案劉休仁苞蓄禍迹事蔽於天明竄匿沈姦情宣於民聽自己屬居戚近早延恩睦異禮殊養望越常均往歲授鉞南討本非才命改行濃湖特已親攝仰遵廟略俯藉眾効屬承泰運竊附成勳而亟叨天功多自臧伐既聖明御寓躬覽萬機百司有紀官方無越而休仁矜勳怙貴自謂應摠朝權遂妄生疑難深自猜外故司空晉平刺王休祐少無令業長滋貪暴莅任陝荆毒流西夏編戶嗟散列邑雕虛聖澤含弘未明王憲亟與休仁論其愆迹辭意既密不宜傳廣遂飾容旨反相勸激休祐曰休仁位居朝右任遇優崇必能爲己力援故深相黨結休祐於是輸金薦寶承顏接意造刻之間必論朝政遂無日不俱

行無時不同宿。贊酢聚集密語清閑。休仁含茲弱惑。善於計數說。休祐使外託專慎之法。密行貪詐之心。謂朝廷不覺。人莫之悟。休祐遂乃外積懼器。內協禍心。既得贊激。凶慝轉熾。與休仁共爲姦謀。潛伺機隙。圖造變。規肆凶狡。休仁致殞倉卒。實維天誅。而晉平國太妃妾邢不能追慚子惡。上感曲恩。更懷不逞。巫蠱呪詛。休仁因聖躬不和。猥謀姦逆。滅道反常。莫斯爲甚。亟肆朝市。庶申國刑。而法網未加。自引厥命。天慈矜厚。減法崇恩。賜全二息。及其爵封。斯誠弘風曠德。貫絕通古。然非所已。棄惡流覺。懲懼亂臣者也。臣等參議。謂宜追降休仁爲庶人。絕其屬籍。見息悉徙。遠郡休祐愆謀始露。亦宜裁黜。徒削之科。一同舊準。收邢付獄。依法窮治。宋書

始安王休仁傳泰始七年五月有司奏上有詔邢任愚不足與計休仁降封聽子襲爵

奏諒闇不親奉吉祭

七月嘗祠至尊諒闇之內爲親奉與不使下禘官通議伏尋三年

之制自天子達漢文愍秦餘之弊於是制爲權典魏晉以來卒哭而耐則就吉案禮記王制三年不祭唯祭天地社稷爲越絀而行事鄭立云唯不敢言卑廢尊也范宣難杜預段暢所曰闕宗廟祭者皆人理所奉哀戚之情同於生者譙周祭志稱禮身有喪則不爲吉祭總麻之喪於祖考有服者則亦不祭爲神不饗也尋宮中有故雖在無服亦廢祭三月有喪不祭如或非若三年之內必宜親奉者則應禘序昭穆而今必須免喪然後禘祫故知未祭之意當似可思起居注晉武有二喪兩葬之中並不自祠亦近代前事也伏惟至尊孝越姬文情深明發公服雖釋純哀內纏推訪典例則未應親奉有司祇應祭不爲曠仰思從敬竊謂爲允臣等參議甚有明證宜如所上

宋書禮志四秦豫元年七月有司奏詔可

奏上陳太妃尊號

臣聞河龍啟聖理浹民神郊電基皇慶燦天地故資敬之道粹古

銘風沿貴之誼眇代凝則伏惟貴妃含和日晏表淑星偃徽音峻
古柔光照世聲華帝掖軌秀天嬪景發皇明祚昌睿命而備物之
章未換彝彙遠酌前王允陟鴻典臣等參議謹上尊號曰皇太妃
與服一如晉孝武帝太后故事置家令一人改諸國太妃曰太妃
宮曰弘化宋書明帝陳貴妃傳貴妃生廢帝廢帝踐阼有司奏
蔣恭兄弟罪議

禮讓者曰義為先白厚者曰利為上末世俗薄靡不自私伏膺聖
教猶或不逮況在野夫未達誥訓而能互發天倫之憂甘受莫測
之罪若斯情義實為殊特蔑爾恭協而能行之茲乃終古之所希
盛世之嘉事二子乘舟無日過此豈宜總執憲文加曰罪戮且瞞
張封筒遠行他界為劫造孽自外賊不還家所寓村伍容有不知
不合加罪勒縣遣之還復民伍宋書蔣恭傳妻弟元嘉中晉陵將崇牛為劫見禽云與恭妻弟吳瞻
張為侶瞞張先行不在本村遇水妻息五日避水移寄恭家討錄
瞞張不獲收恭及兄協付獄治罪恭協並款舍生除張家口而不

知劫情兄弟爭求受罪郡縣不能判依
事上詳州議乃除恭義成合協義怡合

崇寧陵令

上書言瑞雲見

自大明八年至今四年二月宣太后陵明堂前後數有光及五色
雲又芳香四滿又五采雲在松下狀如車蓋
四年崇寧陵令上書

參佐

慶獲白鹿賤

伏承獲白鹿於彭城之東山皓質玉映育性馴和
魏文類聚九十

彭城參佐慶
獲白鹿賤

徐州

移荅魏宜勒庫莫提

知呂楊難當投命告敗比之窮鳩欲動眾曰相存拯救危恤難有
國者之所用心雖然移書之言亦已過矣何者楊氏先世曰來受

晉爵號修職守藩爲我西服十載之中再造逆亂號年建義猖狂
妄作爲臣不忠宜加誅討又知難當稱臣彼國宜是願畏首尾兩
屬求全果是純臣服事於魏何宜與人和親而聽臣下縱逸昔景
平之末國祚中微彼乘我內難侵我司寇是呂七年治兵義在經
略三帥涉河秋毫不犯但崇此信誓不負約言耳彼伺我軍仍相
掩襲俘我甲士翦我邊民是彼有兩曲我有二直也司馬楚文思
亡命竄伏魯軌刃雍實爲蠶尾而擁其逋逃開其疆場元顯無子
焉得天助謬稱假託何足言云又譏竊興師旅不相關移若如來
言又非所受黃龍國主受我正朔且梁茂虔父子歸款彼皆殘滅
俘誠豈有先言況仇池奉晉十世事宋三葉九伐所加何傷於彼
僕聞師曲爲老義作亂雄言實稱情不在夸大移書本詣梁益而
謬來鄙府大人不遠幸無過談

宋書索虜傳元嘉十九年虜虜東
將軍武昌王宜勒庫莫提移書益

梁二州往伐仇池侵其附屬
而移書越詣徐州徐州移答

兗州

移荅魏安南平南府

夫皇極肇建實膺神明之符生民初載實稟沖和之氣故司牧之
功宣於上代仁義之道興自諸華在昔有晉混一區宇九譯承風
遐戎嚮附永嘉失御天綱圯裂石容符姚遞乘非據或棲息趙魏
或保聚邠岐我皇宋屬當歸厯受終晉氏北臨河濟西盡咸汧弔
民伐罪流澤五都魏爾時祇德悔禍思用和輯交通使命呂祈天
衷來移所謂分疆畫境其惡久定者也俄而不恆其信虞我國憂
侵牟及洛至於清濟往歲入河且欲綏理舊城是日頓兵南嶺秋
毫無犯軍師不能奉遵廟算保有成功回旆之日重失司兗來移
云不因土立州招引亡命夫古有分土而無分民德之休明四方
縱負昔周道方隆靈臺初構民之附化八十萬家彼不思弘善政
而恐人之棄己縱威肆虐老弱無遺詳觀今古略聽輿誦未有窮

凶呂延期安忍而懷眾者也若必宜因土立州則彼立徐揚豈有
其地往年貴主獻書云強者爲雄斯則棄德任力逆行倒施有一
於此何呂能振復加欲游獵具區觀化南國今治道方融遠人必
至開館飾臥則有司存來歲元辰天人協慶鸞旂省方東巡稽嶺
若欲邀恩宜赴茲會懷德貴蚤無或後期又稱馳獵積年野無飛
伏此邦解網舍前矜蠃育斂七澤八藪禽獸豐碩虞候蒐算義非
所愜三代肆觀其典雖缺呼韓入漢厥儀猶全饋餼之秋每存豐
厚宋書索虜傳元嘉二十三年虜安南平南府又移書兖州呂南
國僑置州不依城土多濫北境名號又欲游獵具區兖州塔移

尙書

下荆州符收謝晦

禍福無門逆順有數天道微於影響人事鑒於前圖未有蹈義而
福不延從惡而禍不至也故智計之士審敗呂立功守正之臣臨
難曰全節徐羨之傅亮謝晦安忍鳩殺獲罪於天名教所極政刑

所取已遠暴四海宣於聖詔羨之父子亮及晦息電斷之初並卽
大憲復王室之讐據義夫之憤國典澄明人神感悅三姓同罪旣
擒其二晦之室屬縲仆獄凡苟幽明所怨孤根易拔日順討逆雖
厚必萌然歸死難圖獸困則噬是日爰整其旅用爲過防京師之
眾天下雲集士練兵精大號響震使持節中領軍佷山縣開國侯
到彥之率羽林選士果勁二萬雲旂首路組甲曜川使持節散騎
常侍都督南徐兗之江北淮南青州徐州之淮陽下邳瑯邪東莞
七郡諸軍事征北將軍南兗州刺史永修縣開國公檀道濟統勁
銳武卒三萬戈船蔽江星言繼發千帆俱舉萬棹遙征散騎常侍
驍騎將軍段宏鐵馬二千風驅電擊步自竟陵直至鄢郢又命征
虜將軍雍州刺史劉粹控河陰之師衝其巢窟湘州刺史張劭提
湘川之眾直據要害巴蜀杜荆門之險秦梁絕丹圻之運雲網四
合走伏路盡然後變輿効駕六軍騰翔警蹕前驅五牛整旒雖日

吳布之氣彭寵之資登陴無名授兵誰御加呂西土之人咸沐皇
澤東吳將士懷本首丘必不自陷罪人之黨橫爲亂亡之役置軍
則魚潰嬰城則鳥散其勢然矣聖上愍勤哀愍其罪由晦士民何
辜是用一分前麾宣示朝旨符到其卽共收擒晦身輕舟護送若
已猖蹶先事阻衛宜讎然背亂相率歸朝頃大刑所加洪恩曠洽
傅亮三息特蒙全宥晦同產呂下羨之諸姪咸無所染況彼府州
文武並列王職荷國榮任身雖在外乃心辰極夫轉禍貴速後機
則凶遂使王師臨郊雷電皆至噬臍之恨亦將何及

祖時已戒嚴諸軍相
次進路尙書符荆州

東討下符

夫晦明遞運崇替相沿帝宋之基懋業維永聖祖重光氤氳上業
狂昏承祀國維日紊毒流九縣疊穢三靈措紳戮辱黔庶塗炭人
神同憤朝野泣血聖上明睿在躬膺符握曜眷懷家國夙夜劬勞

懼社稷湮蕪，彝倫左衽。天威雷發，氛沴冰消。殄凶譙門，不俟鳴條
之旅。殲虐牧野，無勞孟津之鉞。華夷卽晏，暑緯還光。鏗鏘聞於管
絃，趨翔被於冠冕。同軌仰化，異域懷風。劉子勛昏世稱兵，義同剪
惡。明朝不戢，同識邪正。窺箭畿甸，逼過兩江。陵上無君，暴於遐邇。
王赫斯怒，興言討違。命彼上將，治兵薄伐。今遣靈朔將軍，尋陽內
史沈攸之，輕銳七千。飛舟先邁，龍驤將軍劉靈遺，羽林虎旅，連鋒
繼造。假節督南討前鋒諸軍事，冠軍將軍兗州刺史殷孝祖，驅濟
河勁卒，電擊雷動。使持節車騎將軍江州刺史曲江縣開國侯王
玄謨，烝徒五萬。董統前師，使持節侍中司徒揚州刺史建安王休
仁，擁神州之眾。總督羣帥，龍驤將軍劉勔，靈朔將軍劉懷珍，步騎
五千，直指大雷。靈朔將軍柳倫，司州刺史龐孟虬，淮潁突騎，邪起
西陽。使持節驃騎大將軍豫州刺史山陽王休祐，總勒步帥，連旗
百萬。河舟代馬，遡驚江濱。越棘吳鉤，交曜畿服。茹鼓動坤維，金甲

震雲漢，倚角相望。水陸俱發，冠軍將軍武念率雍司之銳，已據樊
沔。徐州刺史申令孫提彭宋剽勇，陵塗焱，僞皇上當親馭六師，降
臨江服。旌旆掩雲，舳艫咽海。昔吳楚連衡，燕淮勁悍。塵擾區內，聲
沸秦中。霧散埃滅，豈非先鑒。而嬰彼孤城，日待該天之網。迫此烏
合，日抗絡寓之師。雲羅四掩，霜鋒交集。猶勁颯之拂細草，烈火之
掃寒原。燹卷之形，昭然已著。朝廷惻愍我僚吏，哀矜我士民。並亦
何辜，拘誤迷黨。故加宣示，令得自新。如其淪惑不改，抵冒王威。同
焚既至，雖悔奚補。奉詔召四王幼弱，不幸陷難。兵交之日，不得妄
加侵犯。若有逼損，誅翦無貸。左右主帥嚴相衛奉，詿誤之罪一無
所問。宋書鄧琬傳時東賊甚急張永
江方興回軍東討尚書下符

金石刻

宋故散騎常侍揚州丹楊郡秣陵縣謝公墓誌

祖瑤字球度琅邪

下缺十
餘字

夫人琅邪王氏父頤之字修年振威將

軍東海內史

父口字景山給事黃門侍郎散騎常侍光祿勳夫人太原王氏父坦之字文度持節都督平北將軍口口口刺史藍田獻侯

宋故散騎常侍揚州丹楊郡秣陵縣西鄉顯安里領豫州陳口陽

夏縣都鄉吉遷里謝濤字明遠春秋卅有九元嘉十八年歲次屠

維月依林鍾十七日卒其年九月卅日窆於揚州丹楊郡建康縣

土山里夫人琅邪王氏七十有二大明七年歲次單閏月口口口

十五日卒其年十一月十四日合祔父靜之字口壽司徒口長史

義興太守祖獻之字子敬中書令嗣曾孫綽古刻嚴鈔

宋故散騎常侍護軍將軍臨澧侯劉使君墓誌

曾祖宋孝皇帝

祖諱道鄰案宋書作隣疑轉寫之誤字道鄰侍中太傅長沙景王妃高平平陽

檀氏字憲子謚曰景定妃父暉道淵永寧令祖龜稚羅琅邪太守

合葬琅邪臨沂莫府山

父諱義融字義融領軍車騎桂陽恭侯夫人琅邪臨沂王氏字韶風父簡長仁東陽太守祖穆伯遠臨海太守合葬丹徒練壁雩山所生母湯氏宜城人葬練壁雩山

兄覬茂道散騎常侍桂陽孝侯夫人廬江潯何氏憲英父愉之彥和通直常侍祖叔度金紫光祿大夫合葬練壁雩山

第三弟彪茂蔚祕書郎葬江口口口口夫人河南陽翟褚氏成班父方回太傅功曹祖叔度雍州刺史

第四弟寶茂軌太子舍人夫人琅邪臨沂王氏淑婉父津景淵中書郎祖虞休仲左衛將軍口口口江乘白山

第五弟季案宋書作爽茂通海陵太守葬練壁雩山夫人陳郡陽夏袁

氏妙口父淑陽源太尉忠憲公祖豹士蔚丹陽尹

第一姊茂微嬪陳郡長平殷滅憲郎父元素南康太守祖曠思泰

口軍功曹重嬭琅邪臨沂王閔之希損鎮西主簿父昇之休道都
官尚書祖敬弘左光祿儀同

第二姊茂華嬭廬江濤何求子有口書郎父鎮長弘宜都太守祖
尚之彥德司空簡穆公

第三姊茂姬嬭平昌安丘孟詵元亮中軍參軍離父靈休太尉長
史祖昶彥遠丹陽尹

第四姊茂姜嬭蘭陵蕭惠徵中書郎父思話征西將軍儀同三司
祖源之君流前將軍

第五妹茂容嬭蘭陵蕭瞻叔文父斌伯禕青冀二州刺史祖摹之
仲繼丹陽尹重嬭濟陽園蔡康之景仁通直郎父熙元明散騎侍
郎祖廓子度太常卿

第六妹茂嫺嬭濟陽考城江遜孝言父湛徽淵左光祿儀同忠簡
公祖夷茂遠前將軍湘州刺史重嬭琅邪臨沂王法興驃騎參軍

父翼之季弼廣州刺史祖植之公幹侍中

夫人濟陽考城江氏景嫺父洎徽源太子洗馬祖夷茂遠前將軍
湘州刺史

第一男冕長暉出後兄紹封桂陽侯第二男昇淵高拜臨澧侯世
子第三男嵩淵華第五男量淵遠出後第四弟實第五男口淵頰
第六男晏淵平

第一女麗昭第二女麗明第三女小字僧歸亡葬口口

宋故散騎常侍護軍將軍臨澧侯劉使君墓誌

君諱襲字茂德南彭城人宋高祖武皇帝弟景王之穆也神姿韶
雅風譽夙懋弱冠拜祕書郎逮二凶肆禍人倫道消君身離幽執
僅免虎口事清還復舊職已母憂去官既除又拜祕書郎轉太子
舍人自升口二宮令望允緝出爲鎮蠻護軍廬江太守莅政平簡
聲績兼著遷明威將軍安成太守屬中流構疊四表述逆君英議

獨發招會如神。故能日一口之旅。剋濟忠節。義超終古。誠貫當今。皇朝欽嘉。爵賞取榮。除輔國將軍。郢州刺史。封建陵縣開國侯。俄徵太子右衛率。加給事中。未拜。遷侍中。冠軍將軍。改封臨澧縣開國侯。鍾蕭石頭。實當關要之寄。遷左衛將軍。未拜。仍除中護軍。春秋卅有八。泰始六年三月十日薨於位。聖主嗟悼。朝野傷悲。有詔。故中護軍臨澧縣開國侯志行貞純。才用理濟。忠勤著於艱時。勲績倡乎泰運。年志始壯。奄焉凶折。悲傷惻割。實兼常懷。思加寵數。旨申哀榮。可贈護軍將軍。加散騎常侍。口如故。謚曰忠侯。粵五月廿七日庚寅。將葬於琅邪之乘武岡。旨悲幽明之殊。隔傷一訣。而永分。仰清徽而灑淚。係玄石而裁文。其辭曰。

我我口口。山岳效靈。允矣君子。誕膺休禎。支蔭帝宇。締慶文明。德日行高。仁與口口。口華二宮。官政兩服。國步時屯。艱難斯屬。忠則忘家。義貫光族。朝邁欽庸。旨口口口。口望既歸。口寵惟口。或侍帝

言或司蕃戎方宏互美□□家邦如何不□□□□弟□芳稍述
□月有時考辰筮吉玄堂啟基溪泉永家□□長悲□□□□□

宋張推兒墓誌

宋故臨渭縣侯湘東太守張府君諱濟夫人邱氏諱靜姬第三女

推兒春秋卅有一亡於偏憂元徽元年十月甲辰十七日庚申權

假窆於西鄉

遠葉蘭飛浚源旋潔履信早辰含章妙歲選史圖容循詩範節皎

鏡冬泉優柔春蕙濇止忤行營東慚蒸冥昧慶善宵翳壽仁泣血

質性團憂殲身罷景方且摧華載春壠木已藹墓草行陳朱火幾

爛元夜無晨右刻
叢鈔

金革鉤文

錫爾金鉤且公且侯南史古
士婚傳

剡縣刻石山大石文

此齊者黃公之化氣也

立石文

黃天星姓蕭字某甲得賢帥天下大平

小石文

刻石者誰會稽南山李斯刻秦望之封也

南齊書祥瑞志會稽剡縣刻石山相傳為名不

知文字所在昇明末縣民兒襲祖行見石上有文凡三處若生其上字不可識刊答去之大石文云云立石文云云小石文云云

天璽文

戊丁之人與道俱肅然入草應天符

皇帝興運

南齊書祥瑞志昇明三年四月柴陽人尹午於嵩高山東南隅見天雨石墜地石間有璽在其中方三寸其文

日云云又日云云未璽諸雜州刺史蕭赤斧表獻之

賜進士出身
一品銜廣東等處提刑按察使司按察使兼管驛傳事務黃岡王毓藻校刊

全宋文卷六十終

全宋文卷六十

十三